

脈藥聯珠卷二石

沉脈部

無浮及革計二十六脈

沉脈為裏。或氣或積。氣鬱脈軟。積則有力。治積宜攻。治
氣調益。攻積之劑。大黃枳實。厚朴芒硝。汚濁可滌。木
香檳榔。三稜莪朮。蒼朮當歸。踈熱導濕。脈沉軟者。調
氣散鬱。香附神麴。梔子炒黑。川芎山查。麥芽可入。沉

香烏藥。人參補益。腹脇膨脹。服之可釋。

此方止合仲景大承氣湯

宣明三稜散。丹溪越鞠丸。嚴氏四磨湯也。所有沉脈
兼症。雖分晰於後。但沉脈提綱總言。或氣或積。其治

法亦宜臨症變通。參酌者。若舌胎黃滑。則行中宜兼用燥藥。以治其濕。若舌胎乾黃。行中宜兼潤藥。以助其津。然舌胎黃滑。而不用燥藥。可。舌胎乾黃。不用潤藥。不可。潤藥者。如油。當歸。火麻仁。栝蒌仁。郁李仁。桃仁。天門冬。生地。知母。冬葵子之類也。燥藥者。如蒼朮。茯苓。羌獨活。車前。豬苓。澤瀉。苡仁。半夏。南星之類也。又須學者細心體察。加減。非筆墨所能盡者。

沉遲之脈。為冷為寒。附子理中。可以投緣。草薑參朮。烏

附相參。脈若有力。攻行始安。厚朴肉蔻。草菓同煎。木

香大腹。肉桂心添。醒脾開鬱。行水為先。

此方正合仲景附子理中

湯良方。草菓散濟生。實脾飲局方。倍朮丸也。夫沉為諸鬱。遲乃屬寒。又為血冷凝積。須分有力無力。若有

力宜溫中開導無力宜溫中調氣與氣口相應者為凝寒積滯以此方參酌用之乃專治裏寒之法也若外寒而內積之症詳於遲沉之條是以沉遲者主內寒積滯遲沉者主外寒內積學者於此當詳辨之毋以沉遲與遲沉為雷同也浮數等部亦有分別

沉數內熱邪伏陰經或提或散清熱方寧升麻羌活白

芍葛根黃連生地知母黃芩石膏參草梔子蘘清若

或有力芒硝生軍連翹薄荷配合清心此方正合局

方羌活升麻

湯仲景梔子蘘皮湯良方清心湯也夫沉屬裏數為熱此乃外感寒邪失於表散而傳入陽明鬱結化熱者也故宜升提清散或其人素有積滯則其脈必實又當攻下就此而除熱所以亦可用硝黃等味又或

陽甚而裏虛之症。治法與此不同。詳於數沉之條。是以沉數及數沉脈。雖似而治法有間。學者於此等脈。訣症治。究心不誤。其療疾或庶幾乎無謬矣。

沉滑痰實。宜降宜攻。陳皮半夏。茯苓和中。加蒼白朮。香

附川芎。黃連枳殼。厚朴橘紅。藿香參入。蘇葉子同。星

香烏藥。氣下痰鬆。若或滑甚。滾痰丸攻。

此方正合局方二陳湯丹

溪加味二陳湯。東垣平胃散。陳氏不換金正氣散。局方四七湯。簡易星香湯。王隱君滾痰丸也。夫沉為鬱滑為痰。無力為虛。有力為實。而痰之為病。異變百出。先除其本。則百症俱消。而治痰當先治氣。治氣即是清火。此中奧妙。學者宜通百症。可以類推也。

沉瀆少血亦主寒濕少血宜補加味四物。芎歸熟地。白芍連柏。五味麥冬。人參蒼朮。杜仲知母。可加牛膝。三痺湯和。驅風利濕。續斷細辛。防風獨活。羌桂茯苓。秦艽草入。五臟痺者。合用五積。麻黃蒼朮。陳朴夏枯。枳

殼乾薑。臨時損益。

此方正合正傳加味四物湯濟生三痺湯局方五積散也夫內有五

積則外有五痺五積者乃寒熱氣血痰也五痺者乃皮脈肉筋骨也而病原總在乎肺心脾肝腎耳當明何經何痺大凡痺症脈多見瀆若心肝痺多在血分肺脾痺多在氣分診法則左屬血而右屬氣若骨痺則屬腎經是精氣大虧而氣血兼病已如血分痺宜四物合五積散治之氣分痺宜四君合五積散主之

再以引經之藥斟酌君臣佐使以抽添補瀉之法或半補半瀉或六補四瀉或七補三瀉又在學者臨時會意至骨痺一症受病既深精脈既壞十難愈一若脾胃尚健猶可施治然七年之病非三年之艾不能也

沉大裏症謹防夜厄邪伏五臟三焦壅塞或提或導逐邪要訣調中益氣升提邪出升柴參芪木香蒼朮甘草橘紅開鬱利濕若或內結硝黃可入除却參芪加朴枳實黃芩白芍當歸宜益治理無訛破氣調血

此方

正合東垣調中益氣湯陶氏六一順氣湯良方當歸承氣湯也夫大脈原屬邪盛沉而大者屬陰故病則

夜重又為氣甚血虛之脈。當理氣調血為先。如邪氣內陷者。治宜提散。若脈兼實而舌胎黃者。則宜下之。乃以硝黃易參芪。以枳實破其氣。歸芍調其血。六一順氣當歸承氣合為一方也。而其間或更兼他脈。在於何部。又須增減。學者總當究心。藥性為要。

沉緩氣弱。每多眩暈。四季脈緩。不為之病。中洲土濕。時氣悶。條肝踈土。更兼益腎。腎弱肝鬱。發痞滿症。沉香木香。羌蘇葉並。檳榔大腹。木草芎進。更用木瓜。肝脾痺靜。若有內寒。乾薑力勁。厚朴薑黃。參芪扶正。陳澤白蔻砂仁。氣順甘草益智。通益心腎。或水腫脹。丹

車九定。

此方正合局方三和湯東垣溫胃湯也夫沉為鬱緩為濕凡見是脈者看其人有腹脹便

閉蓄水等症與否如無此症而惟胸滿氣脹者乃用

前方疎導氣虛則脈自流利已若內有寒濕而見麻

木筋痛閉症者則用澤瀉乾薑等味導濕溫中疎通

可耳若有蓄水腫脹脈沉緩而實者常用舟車丸攻

去陽水然後按脈症調理舟車丸乃牽牛大

黃甘遂大戟芫花青皮橘紅木香輕粉也

沉洪之脈病在陽明三焦並熱宜散宜清黃連黃柏梔

子黃芩升麻歸地犀角通靈丹皮翹草加用葛根舌

胎黃者可益生軍知母白芍用以斂陰

此方正合局方解毒湯東

垣加味清胃散拔萃犀角地黃湯薛氏正氣湯河間

黃芩芍藥湯也脈經洪為陽附於浮而不附於沉獨

不知浮沉遲數之外。其二十四脈皆形容脈神也。洪者如波浪之洶洶。而浮部見者。在於皮上得之。沉部見者。在於肉下得之。見脈則見其洶洶之形。豈浮則有波浪之形。沉則無波浪之形哉。總在入手得脈之神。合其形狀耳。如欲於浮沉中分洪大虛散濡弱微細。遲數中分緩濇伏革滑結促代者。其診視庶幾乎近矣。凡沉洪之脈。乃表裏熱。每多吐血。衄崩中。腸癰內症也。

沉實積熱。三焦壅塞。風寒貫經。滯痰挾食。治宜豁達。兼

用表劑。厚朴。檳榔。草果。散鬱。知母。黃芩。草芍。羌活。葛根。柴胡。生軍。滌積。三陽並治。伏邪提出。若緊帶遲。腰間洞泄。乃是胃寒。或成呃逆。治先理中。推蕩寒積。大

黃芒硝歸尾朴枳。桃仁肉桂。附子羌活薑木茴香。加

草參朮寒熱同施。並行不悖。

此方正合吳氏三消飲。仲景桃仁承氣湯陶氏

黃龍湯寶鑑羌活附子湯也。凡實脈總由積重滯氣鬱則成熟下之則積去熱消氣復也。然亦有寒中臟腑而兼腎家有濕者必有洞泄之症。夫瀉而脈猶沉實者寒滯不行也。宜以硝黃枳朴破其積。薑附木香散其寒。如陽和解凍大溜一通則淤沙隨去。脈稍見軟。即當抽添消補之法。調理脾胃。學者細心體察。非筆墨可盡者。

沉弦血少。或停飲漿。有力困酒。無力勞傷。直來直去。脇痛難當。抑肝扶脾。滋陰和陽。若治停飲。枳殼檳榔。豬

苓澤瀉赤茯苓。半夏蘇子。桔橘生薑。木瓜吳萸。柴
朴草將。青皮白朮。草果。勑黃芩白茯苓。煎用束薑。脈
若無力。補血地黃。山萸山藥。丹澤同方。或益附桂。八

味丸良。

此方正合良方木香分氣散及雞鳴散濟生
清脾飲崔氏八味丸也。沉弦乃肝之正脈。若

六部俱見。則肝木侮脾可知。所以多飲而脈弦者。酒
能助肝而傷脾也。况肝藏血。酒能散血。血散則肝空。
肝空即脈弦矣。若非因飲。即是肝血不足。然補肝當
先益腎。故宜八味丸。以熟地補血。懷山補脾。茯苓補
心。肺丹皮清邪熱。澤瀉導腎濕。山萸補肝腎而通竅。
肉桂抑木扶脾。化氣附子引血藥以滋不足之真陰。
及行十二經營衛而溫散凝滯。夫血和則肝滿。肝滿
則筋和。脈暢。乃無過於不及之象。所以脈藥消息機

關始見
奇妙也

沉緊內寒。腹中必痛。在上胃疼。在下後重。陰凝之疾。溫散開壅。附子乾薑。歸芍為從。厚朴陳皮。參椒酌用。桂茯苓蔻。丁木香。供升降得宜。細辛引動。溫經發表。麻黃可統。若有外症。施治不共。緊滑宜涼。前方不用。丹皮桃仁。硝黃一開。瓜蒌山甲。防芷堪奉。連翹歸芪。金匱調送。

此方正合良方溫胃湯。三因桂香散。仲景麻黃附子細辛湯。及薛氏牡丹皮湯。正宗八味排膿散也。凡脈沉而緊者。寒病在內。宜溫之散之。可用前方得效。若或沉緊而兼滑實者。恐有腸癰等症。

則未可用前方。當以清涼解毒排膿為要。一般沉緊之脈，須辨大小虛實滑濇。則寒熱內外之疾，有別用藥懸殊。學者總宜察神問症，而合脈隨機應變，為得，斷不可泥定板法為也。

沉長之脈，陽邪潛伏，熱閉陽明，大腸積蓄。若或壯熱，防發陽毒，治先下之。大黃生熟，歸芍甘草，丹皮赤茯苓，已白朮，生芪，治足加芩蒼朮，連翹獨活，牛膝木通，枳

陳開豁，宣散疎通，寒溫用熟。

此方正合子和四順清涼飲，活人加味，防已湯。

也。夫脈沉為陰結，脈長為陽盛。若沉而帶滑實者，宜用苦寒，或帶緩緊者，宜用辛涼。當臨時加減，不可泥定死譜。如治陰結，則薑黃鬱金乳香沒藥木香等俱可加入。如治陽盛，則梔子黃連黃柏花粉等味俱可。

加入。是以醫者貴乎靈機應變。所定之訣。乃大槩規模。如此之脈。當用如此之藥。而未有得沉長之脈。反用溫補溫散。解表汗吐之劑者也。故僕之妄定歌訣。雖以二。三古方合而為一。猶未能盡應機之用。而仍諄諄以抽添應變之為訣。勿泥古方之說。於治道。或有小補云。

沉芤有瘀。或便或溺。失血過多。必見是脈。帶緊腸癰。帶

滑淋熱。治先調和。歸尾艾葉。地芍川芎。阿膠草炙。或

加地榆。胡索牛膝。丹皮桃仁。桂心蓬蘽。薑黃紅花。散

瘀之劑。若失過多。宜先補益。一味丹參。止加三七。涼

以蒲黃。瀉燒卷柏。苧根髮灰。草霜犀屑。熱益苓連。寒

加芩朮吐衄崩便分虛與熱臨時變通方中損益

此方

正合金匱加味膠艾湯良方牛膝散及薑黃散加味
丹參散也若脈沉而芤未見失血之症必有瘀積若
帶緊滑必係腸癰內疾治法詳於沉緊之條而既有
瘀積雖用行散之藥亦仍致便溺而後愈也若帶洪
大弦長乃腸癰血痔已成治法俱在本條然在兩寸
見芤即當吐衄兩尺見則當便溺兩關見或吐或便
如右寸見乃肺家血左寸見乃心家血右關見乃脾
胃血左關見乃肝與小腸之血兩尺見乃大腸膀胱
之血治法當按何經用何藥為
君於藥性考檢查不致有誤也

沉微陰虧或痢或汗若在病後誤下為判治惟補正參

芪桂半草朮茯苓歸芍同贊五味熟地或益薑炭如